

國學基本典籍叢刊

杜澤遜 審定

# 宋本論衡

四

國家圖書館出版社



(漢)王充 撰

# 宋本論衡

第四冊

國家圖書館出版社



第四冊目錄

卷十五

變動篇

.....

一

招致篇(佚)

明雩篇

.....

一二

順鼓篇

.....

二六

卷十六

亂龍篇

.....

三七

遭虎篇

.....

四六

商蟲篇

.....

五三

講瑞篇

.....

六〇

卷十七

指瑞篇

.....

八三

是應篇

.....

九四

治期篇

.....

一〇七

卷十八

自然篇

.....

一一七

感類篇

.....

一三一

齊世篇

.....

一四七

卷十九

宣漢篇

.....

一六一

恢國篇

.....

一七一

驗符篇

.....

一八二

論衡卷第十五

王充



變動篇

招致篇

明雩篇

順鼓篇

變動篇

論災異者已疑於天用災異譴告人矣更說曰災異之至殆人君以政動天下動氣以應之譬之以物擊鼓以椎扣鍾鼓猶天椎猶政鍾鼓聲猶天之應也人主爲於下則天氣隨人而至矣曰此又疑也夫天能動物物焉能動天何則人物繫於天天爲人物主也故曰王良策馬車騎盈野非車騎盈野而乃王良策



馬也天氣變於上人物應於下矣故天且雨商羊起舞使天雨也商羊者知雨之物也天且雨屈其一足起舞矣故天且雨螻蟻徙丘蚓出琴絃緩固疾發此物爲天所動之驗也故天且風巢居之蟲動且雨穴處之物擾風雨之氣感蟲物也故人在天地之間猶蚤虱之在衣裳之內螻蟻之在穴隙之中蚤虱螻蟻爲逆順橫從能令衣裳穴隙之間氣變動乎蚤虱螻蟻不能而獨謂人能不達物氣之理也夫風至而樹枝動樹枝不能致風是故夏末蜻蛚鳴寒蟬啼感陰氣也雷動而雉驚發蟄而虵出起氣也夜及半而鶴



啖晨將旦而雞鳴此雖非變天氣動物物應天氣之  
驗也顧可言寒溫感動人君人君起氣而以賞罰乃  
言以賞罰感動皇天天爲寒溫以應政治乎六情風  
家言風至爲盜賊者感應之而起非盜賊之人精氣  
感天使風至也風至怪不軌之心而盜賊之操發矣  
何以驗之盜賊之人見物而取睹敵而殺皆在徙倚  
漏刻之間未必宿日有其思也而天風已以貪狼陰  
賊之日至矣以風占貴賤者風從王相鄉來則貴從  
囚死地來則賤夫貴賤多少斗斛莖也風至而糴穀之  
人貴賤其價天氣動怪人物者也豈穀價低昂一貴



一賤矣天官之書以正月朝占四方之風風從南方  
來者旱從北方來者湛東方來者爲疫西方來者爲  
兵太史公實道言以風占水旱兵疫者人物吉凶統  
於天也使物生者春也物死者冬也春生而冬殺也  
天者如或欲春殺冬生物終不死生何也物生統於  
陽物死繫於陰也故以口氣吹人人不能寒吁人人  
不能溫使見吹吁之人涉冬觸夏將有凍暘之患矣寒  
溫之氣繫於天地而統於陰陽人事國政安能動之  
且天本而人末也登樹怪其枝不能動其株如伐株  
斷莖枯  
矣人事猶樹枝能溫猶根株也生於天含天之氣以



天為主猶耳目手足繫於心矣心有所為耳目視聽

手足動作謂天應人是謂心為耳目手足使乎旌旗垂旒

旒綴於杆

杆宜讀為

杆東則旒隨而西苟謂寒溫隨

刑罰而至是以天氣為綴旒也鉤星在房心之間地且

動之占也齊太卜知之謂景公臣能動地景公信之

夫謂人君能致寒

溫猶齊景公信太卜之能動地夫人不

天至高大人至卑小

或作

不能鳴鍾而螢火不爨

鼎者何也鍾長而簋短鼎大而螢小也以七尺之細

形感皇天之大氣其無分銖之驗必也占大將且入

國邑氣寒則將且怒溫則將喜夫喜怒起事而發未



入界未見吏民是非未察喜怒未發而寒溫之氣已  
豫至矣怒喜致寒溫怒喜之後氣乃當至是竟寒溫  
之氣使人君怒喜也或曰未至誠也行事至誠若鄒  
衍之呼天而霜降杞梁妻哭而城崩何天氣之不能  
動乎夫至誠猶以心意之好惡也有果蓏之物在人  
之前去口一尺心欲食之口氣吸之不能取也手掇  
送口然後得之夫以果蓏之細細負圖易轉去口不遠至  
誠欲之不能得也况天去人高遠其氣莽蒼無端末  
乎盛夏之時當風而立隆冬之月嚮日而坐其夏欲  
得寒而冬欲得溫也至誠及矣欲之甚者至或當風



鼓箠嚮日燃爐而天終不爲冬夏易氣寒暑有節不  
爲人變改也夫政欲得之而猶不能致况自刑賞意  
思不欲求寒溫乎萬人俱歎未能動天一鄒衍之口  
安能降霜鄒衍之狀孰與屈原見拘之寃孰與沉江  
離騷楚辭悽愴孰與一歎屈原死時楚國無霜此懷  
襄之世也厲武之時卞和獻玉刖其兩足奉玉泣出  
涕盡續之以血夫鄒衍之誠孰與卞和見拘之寃孰  
與卞和足仰天而歎孰與泣血夫歎固不如泣拘固不  
如刖料計寃情衍不如和當時楚地不見霜李斯趙  
高讒殺太子扶蘇并及蒙恬蒙驁其時皆吐痛苦之言



與歎聲同。又禍至死，非徒苟徙而其所之地寒氣不生。秦坑趙卒於長平之下四十萬衆，同時俱陷。當時啼號，非徒歎也。誠雖不及鄒衍四十萬之冤，度當一賢臣之痛入坑塹之啼，度過拘囚之呼。當時長平之下不見，見墮霜甫刑曰：庶僂旁告無辜于天帝。此言蚩尤之民被冤，旁告無罪于上天也。以衆民之叫，不能致霜。鄒衍之言，殆虛妄也。南方至熱，煎沙爛石，父子同水而浴。北方至寒，凝冰坼土，父子同穴而處。燕在北邊，鄒衍時周之五月，正歲三月也。中州內正月二月霜雪時降。北邊至寒，三月下霜，未爲變也。此殆北



邊三月尚寒。霜遣有降。而衍造呼與霜逢。會傳曰。燕  
有寒谷。不生五穀。鄒衍吹律。寒谷復溫。則能使氣溫。  
亦能使氣復寒。何知衍不令時人知已之冤。以天氣  
表已之誠。竊吹律於燕谷。獄令氣寒。而因呼天乎。即  
不然者。霜何故降。范雎爲須賈所讒。魏齊僇之。折幹  
摺脅。張儀遊於楚楚。楚相掠之。被捶流血。二子冤屈。太  
史公列記其狀。鄒衍見拘。雎儀之比也。且子長何諱。  
不言案衍列傳。不言見拘。而使霜降。僞書遊言。猶太  
子丹使日。冉中天雨粟也。由此言之。衍呼而降霜。虛  
矣。則杞梁之妻哭而崩城。妄也。頓牟叛趙。襄子帥師。



攻之軍到城下頓年之城崩者十餘丈襄子擊金而退之夫以杞梁妻哭而城崩襄子之軍有哭者乎秦之將滅都門內崩霍光家且敗第牆自壞誰哭於秦宮泣於霍光家者然而門崩牆壞秦霍敗亡之徵也或時杞國且圯而杞梁之妻遙哭城下猶燕國遙寒而鄒衍偶呼也事以類而時相因聞見之者或而然之又城老牆朽猶有崩壞一婦之哭崩五丈之城是城則一指摧三仞之楹也春秋之時山多變山城一類也哭能崩城復能壞山乎女然素縞而哭河河流通信哭城崩固其宜也案杞梁從軍死不歸其婦迎



之曾君弔於途妻不受弔棺歸於家曾君就弔不哭  
哭於城下本從軍死從軍死不在城中妻向城哭其  
其趣也然則杞梁之妻哭而崩城復虛言也因類以  
及荆軻秦王白虹晉日衛先生為秦畫長平之計本  
白食昴復妄言也去豫子謀殺襄子伏於橋下襄子  
至橋心動貫高欲知以高祖藏人於壁中高祖至柏  
亦動心二子欲刺五兩主兩主心動言論之尚謂非二  
子精神所能感也一而況荆軻欲刺秦二秦王之心不  
動而白虹貫日乎則白虹貫日天變自成非有之  
精為虹而貫日也四星在房心間地且動之占也地



且動鉤星應房心土太白食昴極鉤星在房心也  
衛先生長平之議今太白食昴疑矣歲星雲鳥尾  
楚惡之絀然之氣見宋衛陳鄭必案時周楚亦有非  
而宋衛陳鄭未有惡也然而歲星先守尾災氣昭著  
於天其後周楚有禍宋衛陳鄭同時皆然歲星之害  
周楚天氣災四國也何知白虹貫日不致刺秦王宋  
白食昴使長平計起也

明零篇

變復之家以久雨為湛久  
陽為旱旱應亢陽湛應  
與或難曰夫一歲之內十  
日者一雨五日者一風



頗留湛之兆也。暘頗久旱之漸也。湛之時人君未必  
沈溺也。旱之時未必亢陽也。人君爲政前後若一。然  
而一湛一旱。時氣也。范蠡計然曰。太歲在子。水毀金。  
穰木饑火旱。夫如是。水旱饑穰。有歲運也。歲直其運  
氣。當其世變復之家。指而名之。人君用其言。求過自  
改。暘久自雨。雨久自暘。變復之家。遂名其功。人君然  
之。遂信其術。試使人君恬居安處。不求已過。天猶自  
雨。雨猶自暘。濟雨濟之時。人君無事。變復之家。猶  
名其術。是則陰陽之氣。以人爲主。不說於天也。夫人  
不能以行感天。天亦不隨行而應人。春秋魯大雩旱。